

# საქართველოს მთავრობის

განკარგულება №1415

2016 წლის 18 ივლისი

ქ. თბილისი

## ამბროლაურის მუნიციპალიტეტის სასარგებლო წიაღისეულის მოპოვების ლიცენზიისაგან გათავისუფლების თაობაზე

1. „სასარგებლო წიაღისეულის მოპოვების ლიცენზიის გაცემის წესისა და პირობების შესახებ დებულების დამტკიცების თაობაზე“ საქართველოს მთავრობის 2005 წლის 11 აგვისტოს №136 დადგენილებით დამტკიცებული დებულების (შემდგომში – დებულება) 7<sup>4</sup> მუხლის საფუძველზე, სახელმწიფოებრივი და საზოგადოებრივი ინტერესების გათვალისწინებით, ადგილობრივი მნიშვნელობის გზების სარეაბილიტაციო სამუშაოების განხორციელების მიზნით, ამბროლაურის მუნიციპალიტეტი, 3 თვის ვადით, გათავისუფლდეს სასარგებლო წიაღისეულის მოპოვების ლიცენზიისაგან და მიეცეს უფლება, მოიპოვოს 3 000 (სამი ათასი) მ<sup>3</sup> საშენი მასალა (ღორღი) შემდეგი X და Y კოორდინატების საზღვრებში:

ა) სოფ. ზნაკვას მიმდებარე ტერიტორია – 1500 კვ.მ ღორღი:

№	X	Y
1	342875	4709527
2	342932	4709593
3	342950	4709535
4	342900	4709475
S = 0.43 ჰა		
WGS 1984;		

ბ) სოფ. ქვედა თლულის მიმდებარე ტერიტორია – 1500 კვ.მ ღორღი:

№	X	Y
1	347183	4702018
2	347203	4702019
3	347216	4701980
4	347191	4701973
S = 0.10 ჰა		
WGS 1984.		

2. ლიცენზიისაგან გათავისუფლებული პირი – ამბროლაურის მუნიციპალიტეტი ვალდებულია:

ა) უზრუნველყოს საქართველოს გარემოსა და ბუნებრივი რესურსების დაცვის სამინისტროს სსიპ – გარემოს ეროვნული სააგენტოს შესაბამისი დასკვნებით (გეოსაინფორმაციო პაკეტი) განსაზღვრული პირობების შესრულება;

ბ) მოპოვებული სასარგებლო წიაღისეული გამოიყენოს მხოლოდ ამ განკარგულების პირველი პუნქტით განსაზღვრული მიზნისათვის.

3. დებულების 7<sup>4</sup> მუხლის 2<sup>1</sup> პუნქტის შესაბამისად, სასარგებლო წიაღისეულის მოპოვების ლიცენზიისაგან გათავისუფლებისათვის დადგინდეს განსხვავებული გადასახდელი თანხა და

ამბროლაურის მუნიციპალიტეტმა, ამ განკარგულების ძალაში შესვლიდან ერთი თვის ვადაში, უზრუნველყოს საქართველოს სახელმწიფო ბიუჯეტში შემდეგი ოდენობის თანხების გადახდა:

ა) სოფ. ქვედა თლუღის მიმდებარე ტერიტორიაზე – 1500 მ<sup>3</sup> ღორღის მოპოვებისთვის – 300 (სამასი) ლარი;

ბ) სოფ. ზნაკვას მიმდებარე ტერიტორიაზე – 1500 მ<sup>3</sup> ღორღის მოპოვებისთვის – 300 (სამასი) ლარი.

4. ამბროლაურის მუნიციპალიტეტის მიერ ლიცენზიისაგან გათავისუფლების საფუძველზე მოპოვებული სასარგებლო წიაღისეულის მიზნობრივად გამოყენების ზედამხედველობა განახორციელოს საქართველოს გარემოსა და ბუნებრივი რესურსების დაცვის სამინისტროს სახელმწიფო საქვეუწყებო დაწესებულებამ – გარემოსდაცვითი ზედამხედველობის დეპარტამენტი (შემდგომში – გარემოსდაცვითი ზედამხედველობის დეპარტამენტი).

5. ამბროლაურის მუნიციპალიტეტმა, სასარგებლო წიაღისეულის მოპოვების ვადის გასვლიდან 2 კვირის ვადაში, გარემოსდაცვითი ზედამხედველობის დეპარტამენტში წარადგინოს ინფორმაცია მოპოვებული ბუნებრივი რესურსის ოდენობის შესახებ.

**პრემიერ-მინისტრი**

**გიორგი კვირიკაშვილი**